


14

T 3210 / 8546.81



祠

啟聖祠

在縣儒學

名宦祠

在縣儒學

鄉賢祠

在縣儒學以上三祠俱詳見學校

旌德先賢祠

在保安坊羊市街俗稱旌德觀巷舊在西湖蘇堤南山第一橋名先賢堂宋寶慶二

年京尹袁韶奏倣紹興鴻禧觀建祀鄉先賢陶唐許由漢嚴光吳凌統晉范平褚陶孫晷宋上天與范叔孫齊褚伯玉顧歡杜京產梁范元琰褚修唐褚遂良褚無量許遠章成緬錢鏐錢弘俶宋郎簡林逋謝絳錢彥遠錢藻沈邁陸詵錢勰吳師禮虞奕崔貢張九成共三十一人韶各為贊明年詔易其額曰旌德觀中書舍人王堅為記自此列代增祀賢喆記載紛紜今據各志彙訂備載臚列姓氏如左陶唐許由吳伍

哈佛大學漢和
圖書館珍藏印

員漢嚴光吳凌統晉范平褚陶孫晷孫惠宋上天與
 范叔孫齊褚伯玉顧歡杜京產梁范元琰范述曾褚
 修唐褚亮褚遂良駱賓王褚無量許遠顏真卿李泌
 陸贄白居易章成緬五代錢鏐羅隱宋錢弘俶即簡
 唐介趙抃蘇軾林逋謝絳錢彥遠錢明逸錢藻朱弁
 王庶沈邁朱蹕陸詵錢勰吳師仁虞奕吳師禮崔貢
 滕茂實宗澤李綱王十朋張九成岳飛施德操楊由
 義陳禾呂祖謙李執楊璿余古李宗勉俞烈趙汝談
 葉時趙希琯洪咨夔徐應鑣朱清徐復謝翱元吾衍
 楊載金履祥許謙陳斗龍鄒世聞明方孝孺鄭濂鄭
 湜張翹夏誠高暉王良陳鏞鄒幹王琦于謙夏時正
 江玘柴車魏驥朱鏞夏時倪岳商輅項麒吳誠金洪
 洪鍾孟春江瀾丁養浩施魯李旻陳珂鄒濟鄒虞胡
 世寧王守仁孫燧邵銳江曉許相卿陳荆獻李璣衡
 江曜許應元許貫之張瀚陳克昌方九叙張涑姚良
 弼童漢臣翁相吳源張濂沈詔茅瓚陳善徐子方何
 琮陳洪濛陶大臨王世名楊周高儀邵大章張椿孫
 本許應亨顧言凌立郭孝馬三才孫枝郭維垣江圻

朱璣李逢春許三省宋應昌錢立柴祥孔承祀沈楠
 潘頤龍嚴大紀黃裳顧鈴林梓錢華沈文許子良黃
 應奎楊兆坊徐桐王化江鐸陳禹謨黃思道馮夢禎
 朱印凌登名陳洽沈瑞臨方可立鍾化民顧汝學凌
 登瀛陳學易張鳴鸚錢養廉高宗禮陳植槐聶心湯
 許仲譽陳植樟姚文蔚翁汝遇林逢春黃克謙汪有
 功徐履嚴子茂沈守正胡引嘉郭金科毛偉李唐黃
 汝亨李中華李中楫倪元璐施邦曜凌義渠周鳳翔
 吳麟徵陳良謨吳太冲錢有聲吳甘來沈光祚顧咸
 建王道焜陸培陳潛夫翁常豫劉宗周祁彪佳王寅
 國朝范承謨王估賢王法平章士斐錢封許昭遠共二百
 廿七人右為女貞祠一名表貞亦始宋京尹袁韶奏
 建祀晉虞潭母孫氏孫畧妻虞氏唐馮孝女莫何氏
 宋章瓊妻盛氏五人明成化間增祀宋楊由義母譙
 氏元姚孝女黃仲起妻朱氏鄒世聞妻李氏明夏思
 誠妻王氏胡義姑六人共十一人大理卿夏時正有
 議先是與先賢祠合祭至是以別嫌撤位萬曆三十
 四年令聶心湯復建祠祀晉虞孫氏而下十一人又

上議齋使左宗郢益以漢曹孝娥晉浣紗女宋岳銀
 瓶女元王貞婦郭貞烈陳孝女翁氏姊朶那女明楊
 孝女泰奴鄭璽妻魏德盛朱道弘妻陳氏秦烈婦顧
 氏吳寶秀妻陳烈婦十三人共二十四人并置田六
 畝以供祀事御史陳禹謨有記後增祀明包謙妻鄭
 氏聞顯宗妻郭氏李子塾妻陳氏字孫登名潘聖姑
 顧之球妻薛烈婦呂詢妻居貞娥高瑞妻即貞婦凌
 桂妻張節母李逢春妻聞孝婦林恩妻沈氏凌貞女
 淑英李鸞妻陸氏錢賢母杜氏周貞女招姑上並從
 觀志各志御史顧鈴有記又東吳孫徐氏元畏吾氏
 三女曹處女玉英黃蔡氏馮氏明席吳氏林陳氏毛
 沈氏吳王氏鄒張氏張錢氏葛潘氏丁貞娥黃胡氏
 李貞姑陸鄒氏蕭唐氏朱楊氏朱吳氏項萬氏陳氏
 文婉于氏永壽孔氏妙真勞氏妙祥周氏妙江孫楊
 氏陸張氏倪氏金呂氏姚蔣氏高貞娥朱錢氏王鄭
 氏何范氏何葉氏朱氏秀蘭朱氏毓秀徐貞女葉氏
 妙清徐氏淑順俞氏敬淑陳張氏李沈氏上並從郡
 邑志又宋徐元娘文文媛明陳貞女王志清吳孫氏

陳小奴華王氏陳妙善上從郡志林貞女見抄志共
 六十六人副使沈文有記 國朝李蔡氏許三姑王

邵氏王四姑楊王氏汪王氏孫楊氏王茹氏顧季繁
 計趙氏張汪氏朱姚氏十二人又康熙三十二年學

院鄭增入吳姚氏四十二年學院姜增入王潘氏許
 盧氏二人共十四人自晉虞孫氏而下至 國朝通

計百有四人每歲先賢祠額支仁和學租銀五兩女
 貞祠額支錢塘學租銀四兩以供春秋二仲祭祀之

費 宋袁韶請建先賢堂奏詞 伏覩乾道中忠定史越
 王以故相鎮越於鏡湖

立先賢祠凡會稽先儒高士揭名分享遂為一郡盛
 典邇者朝家復賜緡錢葺而新之又金陵因卞壺舊

宅亦取江左諸賢萃為一祠皆所以尊禮名賢昭示
 民則之誼杭居吳會為列城冠湖山清麗人傑代生

踵武相望祠祀未建實為闕文仰惟聖神御極萬化
 維新飾治以文增光儒道其在首善之地若茲逸禮

可不搜舉而振起之乎臣韶承乏京邑職在宣化昨
 以三賢祠宇位置弗稱已更諸爽塏獨先賢祠典未

秩營度有日擇勝良艱近聞南山之北新堤之上居民有以屋廬園池求售者因捐公帑以酬其直計緡錢七千有奇嘗躬往相視其地前挹平湖四山環合垣墻通以橋梁物為嚴奉先賢之所併欲稽考歷代史傳及百家之書郡志所載凡忠臣孝子善士名流有德行節義學問功業足以表世勵俗者詮次事實誤係贊述勒諸堅珉列置堂中將以旌前哲而淑方來隆上都觀萬國其於教化實非小補涓日鳩工以次興建所合具申朝廷乞割下本府以憑遵守施行

王堅先賢堂記
皇帝嗣位之明年改元寶慶既進賢舉廉以屬在位又褒表先朝儒學之望且訪其後而官使之意嚮所形天下風動九月吉日知臨安府袁公韶言於朝曰聖明御極留神治本微臣承乏輦轂下將何以宣布上旨為列州率錢塘為浙右都會名人鉅公前後相望獨未有論次章述者今將攷此邦人物做會稽故事勅為祠宮俾國人所於矜式庶教道其有補朝廷嘉焉即日報可擇南

山下新堤之上水環其址平湖滿抱林巒映發夷靜深為之區畫外堂內室周以廊廡門垣橋徑各當其置洎辰賦工民以悅從遂採撫郡志旁搜史籍上下數千載間得全節之士自許箕公而下三十又四人女婦之以孝烈著者五人輯其生平大槩制贊刻石列之堂室以代繪像又明年移玉宸宮於其側俾掌薰潔之事請易其額曰旌德觀今丞相魯公為大書而揭之既訖工屬堅為記時寶慶三年六月吉旦

張鳴鸚表貞祠記
宋創先賢堂合享士女錫額旌德觀甚盛舉也然禮重別嫌冠筭接席竊恐貞女羞顏此我朝先正撤去女位識越前人無容議矣第祀典弗修烏能使女流遍覽知所做法叩嗟使心源左公捐建女祠額曰表貞賢田助祭儀文未備又乞錢塘學租歲額四兩助之與先賢祠同日同官各陳俎豆幽杳貞魂若雲霧撥而青霄之共仰也若雷霆鼓而聲聞之畢達也凡在女流向風慕義共諸先賢比德繁芳豈不盛哉萬曆三十八年歲在庚戌秋季記。按查舊志有而未入册或册

有而未奉王者今併載於後宋袁韶明朱履諸允修
 諸燮潘翊 國朝張存仁王一麟周瞻岷呂蘭顧懋
 樊顧燥祚謝重綸表貞祠明凌張氏字王李貞婦陸
 張氏字沈徐貞女 國朝李項氏沈韓氏章高氏吳
 戴氏張汪氏沈呂氏崔李氏羅孫氏鍾程氏仲曾氏
 楊余氏李沈氏謝吳氏沈張氏程趙氏周沈氏孫徐
 氏翁王氏孫包氏王孫氏仲牟氏汪凌氏汪
 馬氏楊杜氏林曾氏施孫氏高王氏管楊氏

名賢祠

在孤山祀漢嚴光唐陸贄宋林逋趙抃王十朋
 呂祖謙張九成楊簡明宋濂王琦章懋陳選

忠節祠

在寶月山祀吳伍貞唐褚遂良宋岳飛明于謙
 弘治十年巡鹽御史姚壽建忠節坊於今祠右

歲久址為有力者佔據嘉靖十六年岳氏于氏泊諸
 生翁相張乾元等白巡按周汝員復其地建今祠十
 七年巡按傅鳳翔飭有司歲祀隆慶元年巡按王得
 春改祀於報功祠萬曆三年巡按吳從憲仍復故祠

四賢祀

在孤山上祀唐李泌白居易宋林逋蘇軾先是
 唐杭人祀白文公於竹閣後即廣化寺以祀至

宋增林蘇二公因名三賢堂紹興間因建四聖延祥
 觀府尹周淙徙寄蘇堤水仙王廟廡後尹袁韶徙建
 廢花塢元廉訪使徐琰祀於西湖書院明天順間知
 府胡濬復建今處成化十一年布政甯良杜謙增建
 仰高亭巢居閣正德元年知府楊孟瑛增祀李鄴侯
 再易今名曰四賢祠歲以春秋祀瑛自為記後又增
 祀明周新薛應旂王世貞名七賢祠旋廢
 仍舊名 國朝康熙年間燬於火重建 明楊孟瑛

四賢祠記

孟瑛守杭郡三年於今屬邑仁海游以旱
 告事聞於朝得復開西湖還往孤山見三

賢祠棟撓梁壞懼神之不棲而羞史之不恭也竊惟
 通仙風節山崇湖深名教攸繫白文公蘇東坡皆杭
 賢守石函一封時泄時鍾葑洲既闢千頃一碧兩邑
 之田殘溝斷洫莫匪遺澤民到於今賴之堂廡勿飾
 盼蠻弗嚴何以格神明昭崇報耶又惟唐鄴侯李公
 泌亦嘗刺是邦穿六井引湖波民始不食鹹苦雖功
 不在湖而以湖為功與白公蘇公埒曷作新廟合而
 祀之更稱四賢神之靈人之情協順助信而杭民亦

永有依歸矣遂具其事白於鎮守麥公劉公巡按車
 公程公張公暨藩臬諸公乃發餘帑鼎作之且藉廢
 寺田池六十畝畀守者供歲事是役以三月八日肇
 事六閱月訖功孟瑛率僚屬諸生釋奠祠下賦迎送
 神詞二章禮成因叙作祠始末為文刻之石
 并書二詞以遺杭人使歌以祀四君子云
 明屠隆
 詩 瑟瑟青松落日懸磷磷白石枕清泉平湖窈窕初
 開地太守風流出牧年草色能銷遊女襪荷花開
 上釣魚船祇今寂寞湖
 邊宿一片鳧鷖下夕烟

表忠祠

即表忠觀在湧金門外祀五代吳越武肅王錢
 鏐鏐子文穆王元瓘瓘子忠獻王弘佐忠遜王

弘侖忠懿王弘俶先是弘俶入宋納土留汴杭久乏
 祀熙寧十年知杭州趙抃請於朝以龍山廢妙因院
 改建為祠賜額曰表忠觀詳蘇軾碑記傍為文穆忠
 獻兩王墓有文穆王廟即武功堂紹興間八世孫端
 禮以使相涖杭重葺時助第于台往來祠祀不絕至
 元毀於兵燹明正德初以察僉事許讚從裔孫彪請

清墓耐祠勝相寺嘉靖三十九年總督都御史胡宗

憲巡按御史周斯盛布政胡堯臣按察胡松提學范

惟一暨郡邑守令從三學諸生公籲以廢靈芝寺改

建為祠即今處寺蓋王故苑前臨湖濱後薄城闔進

石坊折而為橋又石坊為門有東坡書表忠觀石刻

碑亭十九世孫刑部郎德洪立郡守陳柯為記正字

奉五王像有新建伯王守仁書順天者存扁後為慶

系堂立石碑三左右神版二中碑刻受姓大宗譜圖

左碑刻台宗慶系譜圖右碑刻續慶系各支始遷譜

圖神版列王後顯名史冊及登科第者二十一世孫

儀部郎華有記左為彭祖庵奉彭祖像通政呂東滙

太僕史玉陽建裔孫德洪為記後并耐德洪像右為

齋宿所前後各有廣池綠以周垣明末漸圯崇禎年

裔孫簡討國本受益等請憲申約國初歲久祠益傾

毀且近禁旅駐防之所展祀維艱裔孫紳士士璋受

祺等復請憲飭葺祀會都使熊飛重為興修仍歲以

春秋額支官師致祭康熙四十四年乙酉春

聖駕南巡特賜御書保障江山額二十六世孫孝廉中翰

景領頌同族裔諸生俊偉等恭摹巡撫都御史張泰
 交知府張恕可懸建四十六年春景復隨父知縣彥
 雋暨合族紳士嘉祉彥昭等郊迎謝 恩召景奏對
 與修五十五年合郡紳士程希畏邵秉周鈺等復同
 裔孫景兆琮有珪晟光等公籲總督部院滿公保巡
 撫都御史徐公元慶布政段公志熙署臬嵯使黃公
 炳首倡捐修知府張為政知縣魏嶠督葺會同仁邑
 詳請五十六年巡撫都御史朱公軾復檄藩郡錢邑
 協議重建又錢塘門北亦有武肅王廟近菩提院見
 西湖志武林門普慧院亦有王祠裔孫有珪等重葺
 院即王建方家峪寶藏寺亦有王廟 宋蘇軾表忠觀
 前為烏龍井具見咸淳志及夢梁錄 熙寧十年十月戊子資政殿大學士右諫議大
碑文 夫知杭州軍事臣抃言故吳越國王錢氏墳廟
 及其父祖妃夫人子孫之墳在錢塘者二十有六在
 臨安者十有一皆蕪廢不治父老過之有流涕者謹
 按故武肅王鏐始以鄉兵破走黃巢名聞江淮復以
 八都兵討劉漢宏并越州以奉董昌而自居於杭及

昌以越叛則誅昌而并越盡有浙東西之地傳其子
 文穆王元瓘至其孫忠獻王弘佐遂破李景兵取福
 州而弘佐之弟忠懿王弘俶又大出兵攻景以迎周
 世宗之師其後即以國入覲三世四王與五代相終
 始天下大亂豪傑蜂起方是時以數州之地盜名守
 者不可勝數既覆其族延及於無辜之民罔有孑遺
 而吳越地方千里帶甲十萬鑄山煮海象犀珠玉之
 富甲於天下然終不失臣節貢獻相望於道是以其
 民至於老死不識兵革四時嬉遊歌舞之聲相聞至
 於今不廢其有德於斯民甚厚皇宋受命四方僭亂
 以次削平西蜀江南負其險遠兵至城下方屈勢窮
 然後束手而河東劉氏百戰守死以抗王師積骸為
 城醜血為池竭天下之力僅乃克之獨吳越不待告
 命封府庫籍郡縣請吏於朝視去其國如去傳舍其
 有功於朝廷甚大昔竇融以太牢今錢氏功德始過於
 風修理其祖父墳塋祀以太牢今錢氏功德始過於
 融而未及百年墳廟不治行道傷嗟甚非所以勸獎
 忠臣慰答民心之義也臣願以龍山廢佛祠日妙因

院者為觀使錢氏之孫為道士曰自然者居之凡墳廟之在錢塘者以付自然其在臨安者以付其縣之淨土寺僧曰道微歲各度其徒一人使世掌之藉其地之所入以時修其祠宇封植其草木有不治者縣令丞察之甚者易其人庶幾永終不墜以稱朝廷待錢氏之意臣抃昧死以聞制曰可其妙因院改賜名曰表忠觀銘曰天目之山茗水出焉龍飛鳳舞萃於臨安篤生異人絕類離羣奮挺大呼從者如雲仰天視江月星晦矇強弩射潮江海為東殺宏誅昌奄有吳越金券玉冊虎符龍節大城其居包絡山川左江右湖控引島巒歲時歸休以晏父老曄如神人玉帶裘馬四十一年寅畏小心厥篚相望大貝南金五朝昏亂國堪託國三王相承以待有德既獲所歸弗謀弗咨先王之志我維行之天祚忠孝世有爵邑允文允武子孫千億帝謂守臣治其祠墳母俾樵牧愧其後昆龍山之陽巍焉故宮匪私於錢維以勸忠非忠無君非孝無親凡百有位視此刻文

明陳柯錢王祠記
予少讀蘇子瞻表忠觀碑乃慨

錢氏於吳越之民其德厚矣當羣盜倡禍中原十國之君各拓疆宇以自據其為民之心尚未辨也及中原既定隨時納款天命既一籍土歸王其心不忍殺戮其民挈之水火之中使嬉遊於富完安樂之鄉且時歷百年位傳三世而終始之心如出一人其視諸國僭據以抗王師糜爛其民而不顧者其為德何如也始予謬守茲土先是倭夷孔棘督撫梅林胡公等改祠於靈芝寺寺蓋王故苑也幸翕然同心用襄厥成予又病東坡手碑殘剝為易石摹刻之以置諸新祠使謁王者讀茲文以思王德庶幾斯祠斯文相與傳世千百

鄧原岳詩
一畝芳祠即故丘越王香火此於無窮也

湖頭水犀獨擁三千卒裘馬橫行十四州畫棟秋風栖鳥雀青巒夜雨泣
徐勣詩
越松楸英莢不散封疆異山下寒泉空自流

王昶詩
祠宇枕平湖猶有遺民說故都魚鱗蝕苔封玉印蝸涎銜土篆金鋪霜寒一劍留吳氣月照孤城冷霸圖

陳子龍詩
草草羣雄事紛紛割據欲剔殘碑徵往事

古文零落斷龜趺
年斗牛占王氣屠販出

豪賢地屈孫劉勢形支江海邊爪牙多健勇參佐集
 神仙本奉中原朔時分屬國天錦城開邸第大本擁
 旌旄受冊三樓下歌風駟馬前自從納土後終見舉
 宗遷青蓋方朝洛丹書改賜田金輿何日去玉椀不
 曾還守墓新恩重荒祠舊德傳冕旒皆壯麗子姓侍
 綿聯晚樹騰鼯鼠垂簷響杜鵑崇功銘版碣遺恨滿
 山川異代還祠廟當年入管絃竇融應貴寵張軌共
 周旋錫禮何妨盛玉侯豈易捐誰言脫屣便不見誓
 書堅宋室諸陵黃九鼎詩 滄海波無際湖頭水自平
 在南枝尙可憐 眼看今赤子歌舞有餘情

國朝姜圖南詩

朱門玉殿盡蓬蒿誰念當時保障
 勞露濕殘碑蒼蘚積鴉啼古木白

雲高一江王氣侵吳斗萬弩軍聲射越
 濤回首荒祠成感慨漁歌此地滿吾曹 梁允植詩 老
 荒祠敞夕暉射潮事業嘆全非百年閩越開王會一
 旅江湖起布衣入座水光還泛泛當窻柳色自依依
 只今伏臘留香火 曹元方詩 玉簡金書數霸朝崢嶸
 惟有雲山貢翠微 五代白雲霄曾提義旅

軍威壯獨控神州戰伐消朱邸風雲勤將帥碧城吳
 霜露感漁樵錦衣功業丹青在無數啼鴉叫落潮

農祥詞

調永遇樂 雲眼錢塘許誰堪稱天生英傑戲
 逐兒郎追隨父老立割東西浙河山北拱冕

旒南顧幾葉驚龍猶蟄想當年中原無主贏得一時
 人物高車駟馬故鄉富貴占取王封吳越五代風塵
 百年氣象看盡羣雄滅山靈何在海神猶畏 毛先舒
 不敢輕過潮汐漫細數閒花衰草暗傷亡國

詩 暇日同人集相將問水濱射潮迴鐵騎傳國幾朱
 輪廟貌留軒冕殘碑護鬼神懷哉古遺烈憑弔共

沾 王緯詩 保障東南十四州真王雄畧擁貔貅錦圍
 巾 樹石青山壯弩射江湖白馬愁納土深恩

全萬姓靈祠遺愛足千秋龍章姚之駟詩 武肅揚雄
 璀璨輝湖水不獨坡仙寶墨留 風錦樹絢

山障納土戢兵戈德澤今難忘冕旒遺像尊宮闕于
 秋壯長公擘窠書巖巖屹相向剔蘚一洛誦文體元

非泐妄作墨稀譏健仍怒猊狀鳳山黍離離表忠獨
 無恙開扇延湖光崇簷接柳浪龍章更崔嵬江山籍

保障

旌功祠

在三台山祀明少保兵部尚書于謙成化二年

遺行人馬璇諭祭弘治三年訓導儲愆禮科給

事中孫孺謙子府尹冕先後請七年賜謚肅愍建

祠墓所賜額旌功汀州知府海鹽張寧為記嘉靖十

六年巡按御史周汝員屬錢塘知縣李念新之嗣是

而巡按御史傅鳳翔閩隣王紳巡鹽御史高對相繼

協修提學副使張鏊為記萬曆三十年改謚忠肅諭

祭葺祠明末漸圯國朝順治間興修仍令春秋致

祭康熙三十一年知府李鐸重建鐸自為記墓在祠

左成化初奉敕管建詳見墳墓又城內有憐忠祠亦

祀忠肅公者

附紀于後

明張寧祠記畧

皇上繼元弘治之初仰

體先朝德意俯從致仕

應天府府尹于冕所請贈故少保兼兵部尚書于謙

特進光祿大夫柱國太傅賜謚肅愍表祠曰旌功命

有司春秋致祭念公平生憂勤中外遺置身家已已

之變誓死殉國守經行權施無弗濟揆其要切莫重

于掖留監國斥沮南遷燒散芻糧開關出敵決迂回

鑿堅絕和議計徙寓口不援虛報入者皆當時樞機

關鍵一得失則廢興所繫少遲速則安危相倚惟公

材器絕倫識度超越隱然以大司馬兼統五鄉之務

動無牽制處斷如流用是坐却強敵奠安社稷及邊

境解嚴六職仍舊更張建定各有專屬而所司類以

僉謀遂事托公鎮重不知者固宜責備于公公亦未

嘗自辯顧以久總兵柄監往虞來過于嚴峻一時貪

功習矯如石亨徐有貞輩恣睢積怒甘心于公者殆

非一人公亦未嘗自惜夫責不辯則疑謗易乘怨不

祠下

功之間見繼志述事之大非特一家之慶幸也寧故曰于古一時百世一人宜府尹君服膺兢惕汲汲圖永以俟首丘於祠墓之倚可謂忠孝無忝矣

國朝李鐸重修祠墓記

明有

當正統之間王振弄權國祚傾覆中外無主人心洶洶當此時幸則為東晉南宋不幸則竟以覆亡懷愍徽欽之事且立至矣忠肅公以一命文臣定大策建大議謀謨廟堂決勝千里使挾君者不得肆其求間謀者不得乘其隙人心已去而復固社稷已亡而不亡使非其精誠足以格天地忠義足以激三軍吾恐智名勇功之士未有不當之而色沮者也惟公以扶危定傾之才濟其鞠躬盡瘁之節決然以社稷為重君為輕是以能弘濟艱難中興家國安九廟之神靈拯萬民於塗炭抑南遷之妄議則靖康之禍息矣練京師之甲兵則根本之地固矣散通倉之積粟則糧不齎於敵矣誅逆閹以安衆心起夙將以治軍旅而皇皇京邑屹若泰山矣使之進無所求退無所得挾天子如挾一夫而邀求之望絕矣然後鑾輿得歸邦

家再造在公之心固生可以享不世之榮死可以瞑九泉之日矣厥後兩宮之間調停備至而章疏輒留中不發公固無如何也為公者豈不能一死以諫而又懼彰君之惡故屢疏乞休卒之石亨徐有貞等賣公以求功此所謂小人之尤必害君子而後快也暨乎公以冤死而陰霾翳天感動蒼昊號泣士民西湖水涸哲人其萎在公之心惟知社稷豈知有身死難死冤皆所不計固不知有雪冤賜爵建廟立祠之一日也迨其後玉音褒祭有先帝已知其枉而朕心實隣其忠之言則知生榮死哀不特萬世之人心慕之而已蔽之君心亦能悟之也杭城素多忠節若陸宣公許忠烈輩未易更僕數而于墓于祠獨能與岳墓岳祠並烈予也既新岳王之祠墓復為繕治于公之祠墓誠以嚮往之深故不辭經營之力後之人與我同志繼而新之庶幾其永于不朽也哉

明邵寶詩

祠前春霧隱緋袍隔岸松聲應海濤伯紀

空勤恢復計子儀還重廓清勞我陳薄奠聊三獻誰作長歌當一號西望岳坟纔數里白雲湖上兩峯高

傅瀚詩

畫舫西湖午不移偶來祠下見風儀功高社稷危疑地恩重春秋享祀時遺像比生猶有

氣前因欲說便成悲傳芳賴有賢京兆風木凄然起孝思

朱長春詩

庶殿南屏下陰陰少保祠

孤忠荒隴在萬木夜風吹假夢留齊宿招魂有賦詩從來感憤意拜罷不勝悲

黃淳耀詩

淵

非禍宋代邸本安劉力竭山河在功成骨肉憂草銜冤血碧江挾怒潮流雪涕荒祠下乾坤正可愁

國朝梁允植詩

少保祠堂傍水濱雙峯勁節石嶙峋千秋爭拜麒麟塚一代真為社稷臣

落日悲風啼燕雀中宵涼露泣松筠奪門將相終燐火廟食終看俎豆新

蔣芑詩

曉哭六師殲土

木夕傳萬騎薄都城從容坐折南遷議慷慨長驅北伐兵王輦何勞輸幣返金符翻借奪門名河山手造

無遺恨鼎鑊

顧豹文詩

諸生風骨已權奇宰相他年識救時片紙雷霆馳萬里孤

臣痛哭奠京師君民禍亂身難委宗社安危帝自知此舉無名元老死空貽壇表繫哀辭

張右民

詩

驚傳萬乘陷輪轅倉猝徒聞朝野喧直撥風霞關日月重扶板蕩定乾坤奪門奸黨邀封爵定國忠

臣坐死論夜靜鬼來庭殿裡空山鶴唳月黃昏

毛先舒詩

何處乾坤大難容社稷臣忠魂萬里

外遺廟大湖濱日黑聞啼鬼山空少過人草依孤塚綠花傍野祠春竹帛垂來遠精靈沒後伸南屏一片

石愁對

張綱孫詩

天王北狩無忠肅社稷安危不可論每憶往時成浩歎可憐遺像此

岳王神空存蒼苔細雨侵碑字白日寒烟滿墓門牧豎樵夫誰禁汝夜深松火又黃昏

王緯詩

當年

稷功大有誰論兵識團營練官惟司馬真奪門誇策士裂袖失忠臣埋血應成碧巍祠聖水濱

憐忠祠

在太平坊南新街亦祀太傅于謙大理鄉夏時正有記

張烈文侯祠

在東山街口祀宋烈文侯張憲即憲墓所憲以景定二年封侯爵元總管夏思忠立

石表墓尋廢明正德十二年布衣王天祐發地得碣十五年請於布政何天衢按察梁材遂白巡按御史

張縉提學劉瑞檄知府留志淑特始建祠新安唐明
臯為記明末圯國朝巡撫范承謨即址倡興重建

唐臯祠記 畧曰侯蜀之閬州人武穆愛將或曰其壻
也驍勇絕倫從武穆為部將武穆信任之

每戰與其子雲率先諸將而侯之立功視諸將獨多
若破曹成擒郝正平荆襄復隨鄧戰臨穎皆有奇捷

以功授閬州觀察使御前軍統制宣撫司副都統郾
城之役屢戰皆捷金人奪氣中原大振進軍朱仙鎮

去汴京四十五里刻期恢復而賊檜倡和矯詔班師
又與張俊謀陷武穆遣使捕飛父子就大理獄執憲

于鎮江榜掠無完膚卒無可証者歲終獄不成檜以
手書付吏即報武穆死侯與雲等皆遇害嗚呼冤哉

武穆死與子雲皆葬棲霞嶺下侯墓與祠俱在棲霞
西去武穆不遠百步許地曰東山屏口檜死冤白武

穆既追封贈謚建祠墓側賜額秩祀侯亦謚烈文里
人立祠祀之而墓臺荒穢莫為修治元杭州路總管

夏思忠嘗立石標識其處歷歲滋久漫無可考迄今
百數十年正德丁丑布衣王天祐過棲霞嶺東山屏

草莽中見斷碑題曰宋張烈文侯墓白諸藩臬諸公
乃檄杭州府知府留公志淑躬履墓所悉復其地之

侵于豪右者起斷碑之仆于草莽者繚以周垣為門
而肩鑄之復創廟宇外為門屋四楹中為堂四楹後

為寢堂六楹為廊以翼之左右各七楹
又樹石坊于通衢榜曰宋張烈文侯祠

翊忠祠 在忠烈廟神宇之西祀宋施全劉允升全殿司
小校也憤檜手刺之不遂磔於市允升建州布

衣也聞岳武穆被逮詣關上書訟其冤檜大怒下棘
寺論死邦人因並祀之每祭武穆王畢致祭弘治二

年工部王事莆田林沂建祠四年按察使楊俊副使
吳伯通等重拓題額曰翊忠獄卒隗順痛武穆冤死

負屍潛瘞後孝宗購求敕葬褒封皆順之功久民未
彰萬曆三十年布政范涑從郡人高應科請祀于
祠工部主事**明施浚明祠記** 畧曰忠武以精忠構奇
施浚明有記 禍千古冤之錫謚翊祠
自宋迄今有加無已祠間子女部曲多以從死得祀
其傍為翊忠祠建州布衣以訟冤死得祀殿前小校

以刺奸死得祀蓋權奸橫則怒及餘胥公論昭則愛及屋烏有以哉獨南枝巋然非衣冠藏也窳偷哆舌片紙一飛將星立墮後來者購求遺骸不在棘寺而在叢祠九曲間玉環雙橘宛然觀記俾忠魂有憑伊誰力耶乃曾莫有過而問之者是忠武抱痛于生前而魄生埋照于身後也名在郡乘祀在陽羨配食於翼忠之祠也久宜

昌文侯祠

在府儒學為本學土地神為徐文慶宋岳武穆王部將有戰功孝宗理武穆冤褒及後改為郡學仍奉以祠春秋致祭

忠孝祠

在岳武穆王廟翊忠祠右祀武穆長子繼忠侯岳雲嫡孫鄴侯岳珂明萬曆三十五年推官胡來朝從高應科議殉祠特祀工部主事李養質為記三十六年參政陳邦瞻以王女銀瓶娘子附像致祭

明李養質祠記

畧曰岳武穆王忠烈炳史冊昭日星遍充豫虔楚吳越之間相與特廟而

俎豆之春秋不絕獨其冢子繼忠侯雲其事多逸且無專祀迄今缺然按傳記侯名雲字會卿年十二即偕張憲討金鹵先登陷陣軍中號曰羸官人弱冠能操八十斤槌左右手運萬夫辟易老將不能過從王誓師渡江收復襄漢蔡州河南諸郡大破楊么於洞庭數立奇功王不以為功張浚陰上其事得授武功大夫王立辭以特旨遷三資累表不受郟城之捷侯以騎兵直貫其陣戰幾數十合身被百餘鎗鹵屍布野兀術復合師十二萬侵穎昌侯及王貴又大敗之金人大恐中原大振以功遷忠州防禦使王又辭蓋侯知有君父而不知有身王知有祖宗社稷之恥而不知有子之功其時自燕以南金人號令不行誰之力耶乃為賊臣所忌傳會成獄以死莫須有二字何以服天下而高宗不之問也嗚呼余讀傳記至此未嘗不泣然涕洟為之飲恨間行謁侯像凜凜有生氣侯固岳之孝子宋之忠臣法宜專祀而僅附廟食余為憮然會司理胡君從義士高應科請出俸以王廟右齋更創祠祀侯以王嫡孫鄴侯珂附焉額曰忠孝

祠乃為序
次如右

忠節祠

在筆架山方家峪祀宋太學生贈秘閣修撰謚忠節徐應鑣明弘治十八年賜祭文祠額正德

十一年參政梁材奏請建祠有司春秋致祭材自為記萬曆四年知縣姜召訓導黃金榮以祠宇頽圯請於左布政使王應顯右布政使張任撤廢祠邑人傅楫捨地四畝展舊基改建大學士餘姚呂本為記

明梁材祠記

正德辛未冬十一月材守杭州越三載攷績天官適吳中舍汝美過訪曰宋有

死節者葬于西湖之許正德元年丙寅秋七月今上撰有祭文賜有祠額十餘年來勿克修舉及問其姓氏則忠節徐先生號巨翁諱應鑣當宋德祐三年憤宋之亡攜其子女同死于井又十年其同舍生劉汝筠等收葬于錢塘方家峪之里又二百餘年至我孝宗敬皇帝始議建祠致祭之典又自弘治乙丑迄今正德丙子上下相承十有二年始克有就嗚呼天下之事固或有待而為而忠義一脈浩然長在誠所謂

在天為星辰在地為河嶽幽則為鬼神而明則復為人者其間既顯或晦幾絕復續前後三二百年抑豈偶然之故也嘗觀方家峪前橫西湖左右與後山勢環匝民間作壙鮮有隙地而巨翁一抔之土纍然獨存且北有岳忠烈南有于忠肅德不孤立居必有隣英雄豪傑氣類相感生順死安蓋有不約而同者由是鼎峙三祠血食千古則湖山增重而精爽如生過其祠者忠義之心可以油然而生矣

明呂本

記錢塘忠節祠祀宋太學生贈秘閣修撰謚忠節江山徐公應鑣及其子琦崧女元娘者也公墓在方

家峪向未有祠之者建祠賜額有司春秋致祭則自我明弘治乙丑始正德丙子梁公材聿建祠宇迨今萬曆丙子又六十年矣錢塘令姜君召亟圖葺治先是祠僻在山岫乃遷于前若干步約地四畝有奇中為堂三間祀忠節兩廡各三間祀公子若女門三間周繚以垣肇事于歲之二月夏五月功竣址既爽塏廟復崇嚴英風義氣凜凜猶生也追惟元兵壓境三宮北轅維時擁旄握樞之臣匍匐左衽巨翁太學生

耳無一命之榮無專城之寄乃毅然不辱盟諸武穆
欲闔門自焚其僕救而出之乃其心則以為居王之
土食王之祿主辱臣死之義確乎其不可易遂率其
子女俱死井中是誠得死所矣嗚呼忠義之在人心
豈得
泯哉

朱行人祠

在九里松祀宋行人朱弁公新安人徽國文
公從祖也南渡建炎元年副王倫使金拘留

十七年仗節不屈和議成放歸卒葬仙芝嶺下墓今
廢明萬曆三十八年提學僉事陳大綬從高應科議
建祠華容孫穀為記歲以春秋致祭後久廢 國
朝知府馬如龍詳復額支錢塘學租銀五兩致祭 明

孫穀朱行人祠記

宋秘閣朱公諱弁字子章婺源人
副王倫使金留虜中十七年濱死

者屢矣及議和當遣一人受書還倫欲與探策決去
留公不可曰吾分死豈應覲幸先歸須正使倫受書
歸公持使印卧起與俱虜迫公仕劉豫公曰豫國賊
恨不食其肉吾有死耳金人怒絕其餼公拒門待盡

虜為感動致禮如初復欲易其官亦以死自誓乃具
酒召被掠士夫飲牛酣曰一旦畢命報國諸公幸瘞
我某寺傍題其上曰宋通問副使朱公之墓我幸矣
衆皆泣下莫能仰視公談笑自若及粘沒喝死密疏
金虛實以聞送徽廟大行哀辭有曰嘆馬角之未生
冤消雪窖攀龍髯而莫逮淚灑冰天高宗讀之感泣
官其親屬後以和議成與洪皓張邵俱歸入謁勸高
宗以乘時圖厥終帝善之為檜所忌僅易宣教郎直
秘閣卒葬錢塘九里松仙芝嶺下浮梁陳公大綬來
督兩浙學表章忠義揚剔幽沉會部民高應科請以
公祠代墓教曰可卜地普福寺北天醫院左構
祠會公歸浮梁不佞代庖虎林伐石記其事 陳大

綬詩

節旄落盡不知春忠悃堪追屬國塵馬角未生
驕黠虜龍髯攀後泣孤臣千秋君父空懸恨萬

死艱危

豈顧身若使論功 孫穀詩 二帝無消息先
同漢史也應黃閣畫麒麟 淚忍揮不慚瀆死

餓猶恨

和歸麟閣形甘沒牛眠 向燕詩 蘇卿使節
是處非悲愴十七載俎豆倍沾衣 已多年朔

漠風高鬢皓然二帝無竟歸魏闕孤臣有淚洒冰天
傾葵白日心常赤橫草黃沙志亦堅遺像一龕榮俎
豆芳名應與鄂侯傳

洪忠宣公祠

在葛嶺祀宋太師洪皓建炎初使金不屈
貶冷山十五年放歸賜第西湖葛嶺遂建

祠焉理宗時毛淑妃葬其傍改爲寺元末燬明嘉靖
間總督胡宗憲卽祠故址重建尋圯萬曆四十二年
裔孫瞻祖徙建
西溪遺址湮廢

褒忠祠

在縣儒學東改清軍公館爲之祀明建文時死
事諸臣翰林院修撰王叔英文學博士方孝孺

江西副使程本立副都御史陳性善太常寺少卿盧
原質左拾遺戴德彝都給事中龔泰戶部侍郎卓敬
盧迥谷府長史劉璟蕭縣知縣鄭恕東平州吏目鄭
華監察御史鄭公智陝西僉事林嘉猷萬曆二年巡
按御史蕭廩奉詔建祠
明呂本祠記
皇上御極之初
大學士餘姚呂本爲記
覃恩萬寓首詔

革除被罪諸臣忠于所事甘蹈刑戮有死無二者有
司建祠致祭其墳墓苗裔厚加錄錫于是侍御蕭君
廩按浙檄所司覈實祠祀在寧海則有文學博士方
孝孺以不草詔磔于市親族悉坐死太常少卿盧原
質以召見不屈死在瑞安則有戶部侍郎卓敬以不
迎且不遜死在奉化則有左拾遺戴德彝以不屈死
在僊居則有戶部侍郎盧迥以不屈就縛長謳死蕭
縣知縣鄭恕守城死籍其家二女亦死在山陰則有
都御史陳性善以督陣朝服躍入河死在黃巖則有
翰林修撰王叔英募兵聞變自縊死妻獄死二女并
死在青田則有谷府長史劉璟抗言辯髮自經死在
桐鄉則有江西副使程本立聞難經死在義烏則有
都給事中龔泰被執已釋投城下死在臨安則有東
平州吏目鄭華守城不食死此十二人者俱明詔所
謂忠于所事有死無二者矣至如翊忠翌義則海寧
御史鄭公智僉事林嘉猷以方黨論死斯皆兩浙之
產正氣攸鍾者也若夫王叔英鄭恕兩公妻死其夫
子死其父一門全節世所尤難附祀祠中亦足樹閭

內之風聲矣

忠烈祠

在棲霞嶺東祀明杭州前衛指揮陳善道及吳懋宣張儒滿朝采煉馬呈圖王繼隆康綬楊臣

王相姚岑呂鳳姜楫俞亨陳爵陳表張杲喬仲厚喬登皆以倭變陣亡于海寧衛赭山長沙灣等處嘉靖

三十二年巡按御史趙炳然請于朝建祠祀以春秋左布政陳仕賢為記

浙地當東南襟帶滄溟有卉服焉限隔山海倚島為國自秦始芽孽在漢為倭在唐為日本逮宋元遂為

邊患我太祖高皇帝惡其狡黠絕之不通自是屢寇東陲賴大師劉江之力百有餘年海上晏然余初蒞

杭見杭俗奢靡無備缺如心竊憂之余既去不及兩紀而變作于是昭勇將軍陳善道死之將軍故余門

下士慷慨倜儻少有大志每誦岳武穆文官不愛錢武官不怕死之語則明目張膽言於其父父鳳奇之

長遊郡庠繼登武舉進士擢為衛使檄督漕艘俄而緣邊亡命挾島寇以艤臙至人民驚潰武夫辟易無

敢禦者將軍承督撫王公令奮力死戰斬獲甚多未幾流倭百餘犯我赭山赭實杭海關隘事出倉皇城

中震恐將軍即日率兵民三百徒步七十里去賊營不遠詰朝與賊遇將軍盛氣前射殺六人梟首一級

賊大驚進迫烏合之眾一時瓦解將軍獨戰于滷中蹶仆負傷揮刃猶中賊額為賊傷洞脇而絕壯士潘

賓王貴感憤亦赴鬪死實癸丑四月八日也明日得屍怒目不瞑面色如生天子愍之特敕建祠致祭如

典

褒忠祠

在棲霞嶺東改鳳林寺為之祀明左擊將軍宗禮都指揮邵昇指揮僉事姚弘贈指揮僉事于

岳皆以倭變陣亡柘林三里橋等處嘉靖三十七年總督都御史胡宗憲請於朝建祠春秋致祭

陸宣公祠

在孤山之陽祀唐文宣公陸贄國朝顧岱詩碧瓦荒涼覆綠叢間尋古

廟禮宣公兩峯翠藹踈烟上萬木春深細雨中獻替動關天下計經綸不愧大臣風孤山嶺畔恩綸閣髣

髯遺徽 程光禋詩 辛苦當時一敬輿入朝從狩只封

相初孤嶼春風搖草木兩湖秋水拜樵 漁誰知寫狀如生處峻宇雕墻陸炳居

朱文公祠

向在西湖錦塢山後移建孤山之陽祀宋朱文公熹昔公為浙東提舉修舉荒政釐革病

民諸事又治台州置書院申教條立社倉寬逋負奏

最深孫鉉仕浙運管使因家焉宋末避兵海昌已復

居武林明嘉靖四十四年杭郡學生楊洲等白于督

學秦梁謂朱子提舉浙東有遺澤子孫亦在茲土應

得專祠奉祀遂建祠題額紫陽書院督學蕪濬喬因

阜先後錄裔以守春秋動支仁和縣學祖八兩遣官

致祭 國朝順治丁酉公裔孫以錦塢山峻歲久傾

頽白于督撫陳應泰巡按王 國朝張于言祠碑銘

元曦督學谷應泰移建今處 孔子大宗在曲阜而別支在浙之衢為南宗朱子長

次二支在閩婺而季子裔在浙杭杭之有朱猶衢之

有孔神明之後血食非一地異流而同源也銘曰弘

惟斯道如水發源百王千聖波決瀾翻宣尼既出羣

流歸海海則有航書則有解指示萬世闡揚六經誰

為功首厥惟考亭惟杭有朱如衢有孔華胄分宗續

承一統始有錦塢遷于孤麓名山清流環拱在

目豐碑作頌樹兩楹間萬禩不替有如湖山

張宣公祠

在清波門外方家峪祀宋張宣公南軒 吳太

冲祠後記

張南軒先生在孝宗朝反復奏對孝宗

蜀思陵言其忠誠孝宗受禪手詔入朝荷離之敗不

忍言罪復任都督忠獻父子見知于君也專且深矣

然蕪雲卿于忠獻有長於知君子短於知小人之辭

而陳同甫亮譏切道學以為空談正心誠意視偏安

忍耻不深責二人之言皆深愛忠獻父子者也蓋嘗

皆黨也所張施皆惡也甚矣宋之君子前處其易而後處其難也忠獻父子于君臣不可謂不遇矣孝宗曰朕待魏公不為浮議奪而請解督府不諭留南軒先生在朝未幾歲而召對至六七何不使在禁闈而僅除外職孝宗於忠獻實陽近而陰遠也嗟乎宋室之不競也久矣忠獻之言曰今梓宮未返天下塗炭願陛下揮涕斂髮以全天下之民南軒則曰必勝之形當在早正素定之日不在兩陣決機之時是豈高言性命者哉章惇蔡京殘善類斲元氣至高孝而小人皆能奪人主之志氣而得其要領忠獻父子進退取予皆小人也夫國家使小人得司其命以乾道淳熙之朝不殊于建炎紹興之朝則哲宗徽宗之穢薰染成之也先生祠向在尉里下扇里其移方家峪則萬曆甲辰始也太冲婦翁天與先生實先生二十世末孫其猶子沈惇又重新之而命予記之祠專祀南軒而予先及魏公者魏公於張不祧也他日祀南軒先列魏公則亦南軒之意而子孫所當講求者也恐齋惕菴雖在諸生有大人長德之望使追祀魏公當

為歌以侑之
崇禎丁丑撰

二程夫子祠

在吳山金剛嶺祀宋明道伊川兩先生相傳舊有祠在城西河下歲久荒圯 國朝

康熙十七年督學合肥程汝璞從其後裔劉世楷希畏等之請改築今處邑令梁允植申請照朱紫陽例歲支學租十兩供春秋祀事後因學租裁半其後裔復援錢武肅例請于仁邑大祭項下節省銀五兩得符原數以光俎豆杭守顧岱據邑令遲所申請轉詳布政巡撫永昭祀典

周元公祠

在清波門外錢家灣祀宋濂溪先生惇願宋南渡建久廢 國朝康熙四十一年後裔秉

榮媚鉞等呈請提督學政姜櫛檄令重建歲以春秋致祭巡撫都御史張泰交翰林周起渭題額都轉運使粵西高熊徵有碑記

宗聖曾子祠

在通江橋河下祀先賢曾子原籍山東兗州嘉祥縣南武城其後裔曾開因宋南遷

扈蹕至杭 遂立祠祀

柳州二賢祠

在柳州亭左舊名子貢使越祠祀先賢端木子 國朝左布政張縉彥重建章士斐

有記康熙二十六年巡撫金鉉學院周清源從先賢仲子後裔之請舊祠在弼教坊者廢合祀先賢仲子于此故 章士斐祠記 子貢使越祠者介西湖之西不改今名 知始何時傾廢久矣布政使新

鄉張公更為之徵記於余余曰子貢未嘗使越也蓋史記之言云雖越絕書及吳越春秋亦云夫夫子之意審在存魯則子貢奉夫子之教以存魯亦魯存焉爾之吳之越之晉何為者耶故子貢無使越事也夫子曰夫其亂齊存魯吾之初願若強晉以倣吳使吳亡而越霸賜之說也美言傷信慎言哉其言則是然文非夫子言也越之圍吳在哀公十三年其滅吳在哀公二十二年哀公十六年夏四月書孔丘卒固不及見吳亡也考左氏子貢之辭于吳者四見辭于越者一見鄆之會辭免康子之召會伐齊也辭州仇拜

甲之賜會橐臯也辭免尋盟會于郟又賴其辭以會衛侯此子貢能言之效然皆公與大夫命之又顯事而已其一辭於越非辭於越也哀公二十七年越使

后庸來聘盟于平陽康子病之言及子貢曰若在此吾不及此夫此不得子貢從越而思子貢當時之能言必能免已於盟此子貢未嘗入越之明徵也吳越

春秋又言勾踐既誅文種求賢聖吾夫子奉先王雅琴禮樂往奏勾踐不得志而反越絕亦云不知勾踐

霸世誅文種距夫子卒又八年譎妄至此余又安知後人不託子貢以為能言之藉耶越絕一書世名為

子貢作乃下及秦漢何也故知使越非實矣然會吳伐齊實戰艾陵其於黃池之會差隔二年必史誤聯

為一事而又取說辭之蒙子貢者卒信為實若越絕若吳越春秋家語又自相舛襲而為之耳雖然當康

子越盟媿以不得子貢則如子貢誠使越越必藉手以霸無疑况聖賢之道如日星豐其屋蔀其家廼弗

見之越人苟有知子貢之賢者儼恭祇肅以存於形容雖子貢嘗使越可矣祠之其又可也

勲賢祠

舊名天真精舍在天龍寺之左祀明新建伯王守仁嘉靖九年門人薛侃錢德洪等建萬曆初

毀天下書院佃為民業十二年都御史蕭廩奏復之賜額曰勲賢春秋致祭以徐愛冀元亨薛侃鄒守益

歐陽德王艮王臣劉魁錢德洪王畿蕭廩陳善十二人配享祠前有宋籍田太極亭萬曆中知縣聶心湯

重建太極亭補刻陽明全書清理租稅歸縣祭祀之美以供諸生講學之費永為定規後久漸弛

康熙間包括陶望齡祠記畧萬曆乙卯當事者不悅等復為清理

在毀中後六歲甲申詔還所在書院宜復者浙撫臣萬安蕭公以天真請朝論建之更精舍曰祠賜以額

于是廢垣復堵撤材復棟原田復還俎豆如禮而先生之道彌用光耀亡何墉瓦敗穿丹堊剝蝕侍御史

盱江尤公于先生在私淑之列丙午來視嗟兩浙顧瞻廟貌如痾在躬會新塗聶君令錢塘亦夙聞微言

並肩廢緒同德協力相與謀飾新之于丁未三月鳩匠事五月竣工漉漫陵夷成就完朗凡用嵯院羨醵

若干兩視事董成皆聶君之以精舍故貯先生集版多散軼君悉購諸民間補其殘缺遂為全書先是祠

前八卦田之中有亭曰太極燬于火至是復建凡侍御公經畫所未迨聶君咸用貲力究成厥功以還舊

物蓋王薛歐鄒厥蹟始肇繼而興復葺新其人皆江右產也先生功業教化於斯獨盛抑何豫章之多君

子乎先生出百死創絕學而學者弗遵弗行俾師說弗廢學舍足處田足贍而鼓篋之堂鞠為茂草田穀

克羨數歲所積足以飾榱棟除宮庭而置不問坐待頽壞數者吾儕後來之耻也詩曰吁嗟乎不承權輿

尙念權輿哉王守仁西安道中寄門人詩幾度西安道江聲暮雨時機關

鷗鳥破踪跡水雲疑仗鉞非吾事傳經愧爾師天真泉石秀新有鹿門期又不踏天真路依稀二十年石

門深竹徑蒼峽瀉雲泉泮壁環胥海龜錢德洪詩埋疇見宋田文明原有象卜築豈無緣

五額路悠悠海上羅浮入夢愁山月淒涼歸雀夜霜風颯瑟暖猿秋百年著述圖書在千載經綸草跡留

忍伐祠前蒼峽樹
 春秋配食薦神羞
 錢塘地位高且深
 遺光龜疇列方位
 遺光龜疇列方位
 顯設天文章平生未一試
 于載悵相望我來生感慨
 久要不可忘陳詞苦不足
 繼以奠心香

發祥祠

在南屏山西麓祀明昌化伯邵林以誕生孝惠太后也先是林卒時權厝北山青芝塢嘉靖十

八年林孫錦衣衛指揮甫請于朝詔守臣擇今地遣官營葬為之建祠墓下給公祀田八頃賜今祠額

報功祠

在忠慶巷內改百法寺廢址為之祀明總督尙書胡宗憲初嘉靖間士民始建于吳山之巔隆

慶三年巡撫都御史谷中虛改建今處萬曆四年巡撫都御史謝鵬舉徐栻先後增修歲春秋致祭鵬舉

為謝鵬舉祠記

頃嘉靖中劇寇徐海王直導島逆內侵東南胥被患而浙為甚卒賴少保

尙書梅林胡公祇奉簡命決策蕩平維時浙士大夫若市野氓庶相與協謀就吳山曠輿之壤建祠尸祝

之無何公中多口去鎮受抑以沒祠事亦中止隆慶已巳中丞近滄谷公更採輿議改建于依山之周道時粹事經理規度未稱迨萬曆亥子間始克拓而大之首為門扁曰安攘門之外徙吳山綽楔以壯觀門以內前後為兩堂各若干楹前奉御製碑文後貌公像自餘垣廡庖湏之屬咸備罔缺浙人士旅進瞻謁訢訢若重睹公云工竣僉以余夙荷公知請記之余蓋因是而益徵勛德在人之一不泯且重歎人臣身處有功之難也夫公靖寇康民之績具在金石匪躬肩事建樹卓卓而猶不免詆媒于人即身後俎豆之堂亦廢舉相代乃久而論始定議始正今天子下詔復公官賜祭墓廷議氓情若合契券是祠也其將巍然與茲山並久乎余不佞喜為浙人士頌之

崇報祠

在忠慶巷祀明巡撫劉畿隆慶間建公字朝宗嘉靖庚戌進士任浙撫內陞少司馬總督浙直

江西後晉大司寇

嚴指揮祠

在嚴樂坊祀明嚴德字君輔當塗采石人少
驍勇善騎射年二十為小校隨征平江浙有
功陞寧海衛指揮同知守禦杭州洪武元
年統軍取台州力戰死追贈天水郡公

謝三太傅祠

在薦橋東舊十方寺址祀晉太傅謝安宋
太傅謝深甫明太傅謝遷嘉靖間吏部侍
郎餘姚謝丕建祠址舊頗廣濶規模宏敞明末兵燹
後沒歸他姓裔孫州同謝秉公捐貲贖還雖不敵昔
時什一而棖桷聿新蒸嘗重舉時論稱之中有
百世流芳狀元宰相題額皆長洲文徵明書

龐公祠

舊名永賴祠在鳳林寺右祀明御史龐尙鵬萬
曆十二年建詳尙書張瀚祠記 國朝康熙年

間附祀浙閩總督張存
仁仍歲以春秋致祭

張瀚祠記

浙以財賦名天下
歲所轉輸京國者

十居三焉故民賦繁往者徵發百出賓傳旁午吏不
得不厚責之民民役始重故事上官取諸縣與縣所
取給一錢寸縷卽十百莫敢不應謂之曰耳房役監
司大吏按部與四方人士乘傳至省所司為具供帳

日增歲置或橫被攫去不敢問謂之曰鋪陳役預備

存積諸倉歲久風雨浥爛鼠雀食耗虧損之數責令

守支諸役計額取盈往往坐以自盜謂之曰斗級嗟

法既做盜販公行嚴設邏卒音以捕獲月凡二比鞭

撻淋漓不如格者有罰謂之曰應捕茲數役者常以

百供一服稽之家偶維斯役畜產立盡往予見良農

勤苦食僅有田廬不一二年間蕩覆靡遺則以是役

故南海龐公才具英特幹局精敏繡斧所指墨吏望

風解綬豪強屏跡當按部時進三老具言困苦公檄

所屬與之圖議咸云耳房鋪陳可省其應捕斗級暨
諸力役歲費金錢若干當以籍籍之卽於歲賦所徵
均歛於民在豪大家無得脫免而民不重困庶貴賤
同役號曰均平冊議定卽日牒諸司施行仍疏於朝
請著為令報曰可乃立石遵守蓋公所建卽宋人雇
役遺意而抑橫征寬民力其德于浙人甚鉅今去浙
三十餘年而歌思彌切專祀於西湖之陽昔吏浙得
祀者李鄴侯白文公蘓文忠三人而已鄴侯以井
白蘓以湖公造福閭左功德豈上謝三君子哉

阮公祠 在武林門外祀明都御史阮鶚扁額忠定隆慶六年建李春坊記

甘公祠 在虎林書院之陽祀明浙江巡撫甘仕价號紫亭江西信豐人有惠政萬曆三十七年書祠祀

以郡紳
陳善配

姚公祠 舊名德馨祠在吳山城隍廟東祀郡守姚之蘭今在孤山

陳忠肅公祠 在葛嶺

邵弘毅先生祠 在玉泉山後徙靈鷲山祀明員外郎邵經邦萬曆初建 國朝康熙辛酉五世

孫錫蔭更建祠于龔鼎孳詩 勝國東南雋登臨憶邵湖西之濱並有像 公一封兼五諫九死矢

孤忠弓冶聞孫紹蒸嘗異地 趙士麟詩 自古推言者同當年誰補袞寧不愧高風 翻成言者名

先生今不朽
名共聖湖

李公祠 在錢塘門外響水閘明崇禎十年建祀明北權李思敬號槐臺萬曆辛卯舉人揚州興化人初

令永豐有善政權北關清惠愛商不增稅而常課足公餘輒屏騶從低徊兩峯六橋間及守括蒼罷採鑄

嚴保甲建麗譙興文學所創皆可不朽歿之日杭括謳思不已呈請從祀名宦并祀其子長倩字瞻麓崇

禎甲戌進士兵部尚書并肖像西湖祠祀 國朝康熙年間重建刻額曰興化祠

范公祠 在孤山即四賢祠舊址祀 國朝兩浙巡撫謚忠貞范承謨號觀公順治壬辰進士以學士出

為浙江巡撫多惠政所在感德後晉福建總督死耿逆之難浙人哀思祠祀名宦巡撫趙士麟允給錢塘

學租銀八兩歲以春秋有司致祭後公嗣時崇總督閩浙重為修建而山麓別建亭奉公書勾留處扁額

適時崇內陞總憲士民感兩世 李之粹祠記 孤山之恩遂于此建生祠焉詳各碑記 麓目林

處士妻梅子鶴後至今數百餘載月冷梅荒憑弔遺踪者每有撫今追昔之感往范公以中丞撫浙時為

卽其故址構亭補梅聿復舊觀慕先賢之芳躅續久廢之勝遊繼奉簡命督師七閩乃值孽藩猖亂肆虐忠貞浙人慕德興悲因立祠于放鶴亭側蓋亦羊公之墮淚碑矣予過致弔哀感橫生因記之而系之以詩

包芝豫詩 我來憑弔思悠哉繁絃急管聲悲哀自古精忠貫白日如公有幾能追陪武穆

門前春草綠于公墓下清風來千秋正氣常如此得公鼎足峙三台

姚之駟詩 報國英酬園扉血碧自千秋衣經題處丹心照炭是吞餘綠字留聞越江山同俎豆岳于祠墓接松楸忠魂應屬勾留處遺愛長聽父老謳

陳公祠

在孤山湖濱祀按察僉事謚忠毅陳丹赤公殉耿逆難內有亭奉御翰名垂青史額公嗣一

夔官浙糧儲特建

王公祠

在藕花居卽湖山書院祀巡撫都御史王國安號康侯奉天蓋州人康熙壬戌秋以學士特簡

浙撫甫下車整飭官方除暴安民善政種種越明年甲子春特陞浙督移駐三衢夏尋調閩督浙民懷德籲請建祠孤山照膽臺左丁亥

聖駕南巡公嗣以異時任船政同知因祠近行宮詳請移建今處并祠名宦春秋致祭士民追思復捐置地蕩七畝有奇以弘祠宇公嗣又捐葺蓮宗庵命僧奉祀以供

楊雍建祠記 兩浙開府重臣自鼎興乙酉而頌聲洋溢歌思弗置感深去後者則莫若盛京王公云公諱國安號康侯洩浙不二載遷制府移鎮三衢再移閩嶠萬姓皇皇如失父母自湖墅至江滸罷市輟業叩諸臺使者與繕疏入告而公已單騎度嶺矣因闢地於西湖山麓爲祠畫公像以祀又書公政績於碑以志不忘蓋兩浙省城都會禁旅駐防兵民錯處集五方遊食之人因緣爲奸重以胥役駟僧鯨吞蠶食斯民靡有寧宇者垂四十年公甫下車察吏寧民戢兵除盜一切無名之科派強暴之誅求令行禁止屹如山岳今指計其實政言之自公泄浙以至

去任一切僚屬餽遺悉皆拒絕供用澹薄無異寒士見酬市價寧浮毋嗇此海忠介之貞操也杭民多貸營錢貧不能償公廉得其情坐會議堂與將軍悉心調劑其不能予息者公稍稍出俸代之償焚其券浙西漕糶往多愆誤公親臨庾次剔陋蘓民輓遲爲速松江鹽場額課舊時正課一兩有加派至二十餘者公飭令所司親收松民獲免重累此周文襄之幹濟也紹屬之西江塘爲蕭諸二邑蓄泄所注歲久傾圯公親臨其地相度勢脉計日併工而竣事又三江一閘山會蕭三邑賴以灌輸田畝歷今二百餘年隄費旱溢無所恃公區畫指授捐俸庀工畚鍤甫施夜忽潮水汎湧冲道成渠若有神助今四邑百萬頃悉爲膏壤民歌樂利此夏忠靖之神功也他如置設循環簿牘而革行戶當官承值之苦歷躬權務關梁而懲攔蠹需索之奸兵丁之強買有禁城圍之抽勒有禁把頭之稔惡有禁米牙之科派有禁又公于山海形勢瞭如指掌主開擴之議俾細民獲收漁利田畝幸免包賠復首捐清俸庀建各處臺塞營房民無力役

兵免露處杭城駐防滿兵康熙二十二年僉都徐旭齡條奏循照奉天京城之例責令滿兵巡拿逃盜等事公首爲倡稿力請准行民至今陰受其福有司或庭折士公待士以禮必使勵學自愛增貢院試席磚舍三千使臨期無取給筍輿之苦及制節移駐柯城未彌三月捐造差船以恤民役建造浮梁以濟民渡禁愚氓之錮婢溺女者瘞齒骼之暴露郊原者凡此皆彰彰在人耳目兩浙十一郡固皆沐公覆幬而首被其澤者莫如省會由今以思王公之于我桑梓也繫起死人而肉白骨也公晨坐堂皇戟門初啟諸司官屬以次晉謁延見鄉三老問民疾苦甫闔扉人以退食之暇判牘不遑而公乃微行遠郊近鄙有不逞者須臾縛至幕府郭內外大驚以爲神嗣此深山窮谷若有數什伯王公貫乎愚夫愚婦之心而戴乎愚夫愚婦之首以故公登舟移鎮時民有泣下沾裳及聞公去聞而焚香致祝願天以求者蓋不知凡幾爰請之郡刺使馬公謀勒諸石以永甘棠之愛焉

敬一祠 在孤山四賢祠側祀巡撫都御史趙士麟號玉峯雲南人進士康熙甲子來撫浙優禮儒生兵

民輯安開濬城河自江干至湖墅疏鑿皆通舟楫往來便利民咸德之又捐俸修城講學湖濱及內擢遂

卽其地為祠後并祀巡撫都御史張泰交號泊谷山西人進士居官廉正表肅群僚不為苛刻之行然亦

難少犯其顏色恤兵愛民尤雅重文士時轉運使高熊徵開講院於紫陽別墅每文會必親詣督課後以

病疏辭不允遣官注問終卒于官士民哀慟宮詹邵遠平特為肖像同奉于祠

馬公祠 在孤山麓祀中丞馬如龍號見五綬德人由孝廉以部郎督杭北權尋出為杭郡守會已巳

聖駕南巡廉知居官有善政聲特超擢本省按察旋陞布政復簡為江西巡撫士民謳思因建祠以祀

吞金祠 在西湖葛嶺卽邑庠生吳錫妻戴烈婦墓所烈婦年十七歸錫以讀書勞瘁嬰疾婦甫婚卽侍

湯藥歷三載會疾革誓請先死及屬纊遂號慟以首觸樞血流被面家人驚救其母慰之婦曰女從嚴命

以身適人義惟從一不能兩全奈何舅復沮之婦曰翁有叔可奉事未亡人年少無所出分宜從夫地下

况既以死許義難食言遂從容拜別首屬勺水不入於口凡可求死者無不為之以環伺不獲最後給小

婢屑金簪并壞玻璃器仰吞之膽損嘔碧血數升死里民紳士共上其事請旌表建坊復囑金建祠合墓

今處顏曰吞金祠

督學太倉王公生祠 在跨虹橋卽西湖書院奉太倉王公揆號顓庵庚戌進士以春坊提

督兩浙學政時初改提學為學院公首膺是選至則肅憲綱端士習正文體悉拔寒峻為國初以來學使

公明之首士林戴公德遂建祠湖上毛奇齡碑記畧曰自昔無學使之

督學政分隸諸道而以兩京為首善地特選御史有聲者陞為院使賜笳鼓開轅建纛設衛尉知雜視諸

三巡特未嘗舉詞臣而預其選也清興專以直隸用院使而盛京則京兆兼之乃勅詞臣自講讀以下

編檢以上充直隸督學院官而盛京及他道使皆不與焉歲乙丑念學使甚重非詞臣莫承而江南兩浙人才蔚興宜破格陞道為院于是以先生品譽高當拔諸坊局越資俸使任兩浙凡一切幕府行僚與直隸埒可謂重矣乃自乙丑至丁卯三年之間一歲一科分八十郡縣文人學士甲乙而差次之無不頓觀仰息謂稱量之精去取之公為國朝四十餘年所未有嗟乎亦何道而至此嘗觀其兩試吾郡每一榜出士人爭來觀輒羣相指曰某貧士某名士某遲暮士始而驚繼而慶又繼而咨嗟感嘆且有至涕泣而不止者余承乏史館都人士謀勒石頌德因為書所見而應之如此

督學彭公生祠

在錢塘門外片石居之左一名南陽書院奉禮閣學彭始博號方川南陽人戊辰進士康熙四十六年來督浙學所甄拔悉屬寒畯湛深經史實學者廉聲上達特賜公明盡職扁額輿論翕然去之日羣醵金構祠今處官詹邵遠平有記

紫陽祠

即紫陽別墅亦稱紫陽書院在太廟巷兩浙都轉運使高熊徵建以奉朱紫陽夫子者公號涓南廣西岑溪人由明經令井陘超擢涖浙恤商愛民暇即優接生徒特建書院以為課士會文之所延師給餼月必躬率校藝汲引造就成材者指不勝屈士林戴德會以疾卒遂呈請奉公木主配享紫陽春秋

致祭

諾公祠

在鳳林寺左祀鎮浙將軍宗室諾羅布內有君子泉敦詩說禮堂

許汝霖記

國家

永清四海寰寓一統凡天下重地皆設滿洲兵以鎮歷之自畿輔關內外秦楚揚越閩粵之區置將軍各一人而浙江東臨大海右泊太湖控閩帶豫與江南犬牙相錯自睦州以南岡巒叢薄憑江跨閩綿亘二千里康熙四十二年車駕一再南巡幸浙江湖會稽升高以望山川之險易人民之雜糅慨然念屏藩柱石之寄良不易思得親賢以處其地遂以宗室諾公當大將軍之任蓋自國朝定鼎以來洎斯任

者十有一人至公而十二云初滿兵始至與漢人言語不通兵民不相習文武大吏或不相協於是兵民有紛擾之虞文武有彼此之見久之情漸熟則弊又日生而患益滋其于古者兵衛民而民養兵之義罕有知者公甫下車官吏軍士咸以公 王室懿親又郡王子素貴晨夕惴惴而公檢身無過恭謹畏慎開布忱悃以諭吏民曰勿謂兵與民分吾第知恤兵愛民而已乃日討軍實而訓之又日進兆姓而告之使之民安堵而伍不譁其建官也必稽其積功與勞簡質而仕重者勿以請謁行也其選甲也必擇其才與器質直而行義者勿以喜怒易置也武備修法制立賞罰信號令明犯吾禁者毋宥其尤不法者屏使遠去軍之月糧或有紅朽砂粒者公先期必驗勿以給也馬之芻茭部議將覈減公以爲減則馬食不足移巡撫爲上請得仍舊額郵兵之貧爲定其嫁娶之禮閔卒之亡其嫠婦攜骨歸者親酌酒以奠之由是軍士人人感泣頌公德矣杭郡恒不戒於火公聞火卽率健卒往救指授方畧或親引手助火火輒反風滅

而杭俗天旱必請於有司迎觀音大士於天竺以禱月餘不雨道路民咸言待吾將軍至當雨時公以扈蹕入京翌日適至則齋沐祈大士前是日果雨詰朝又雨而鄉民持香踵轅謝者日數千人公辭讓勿受其明年淫雨勿止三郡大水有司皆虔禱不應公且日至午而霽督撫大臣以故益重公巡撫黃公嘗詢公曰吾間出微行遇童叟嬰婦皆識將軍名且願公永鎮此土不審公果何以得此公曰吾忝在宗親祖若父皆王爵而吾寄重任於此苟不職卽上負朝廷下慙吾祖父矣蓋公開誠示公不市名不飾僞表裏初終若一者殆十有一年巡撫之更而去者已五人與公交始而疑繼而信後皆歡然相得

天子聞而嘉之曰吾宗室中有此人東南可無慮矣及駕復南巡慰勞者再 御書天潢維翰四字以賜公又賜聯云家庭元愷先承寵同姓公卿合效忠大哉王言非宗子維城公侯腹心之義乎又云慧劍無纖缺水壺徹底清一哉王心非爲上爲德爲下爲民之旨乎又二年歲大稔嘉湖民流入郡城者滿路公謂僚佐

曰吾輩食有餘祿忍見赤子流離載道乎曷各出米石許給軍士人各二升計十二旗得二百餘石為粥以食路之餓者既而慮曰米少恐不能繼即移咨撫軍兩閱月所全活者萬餘人大嵐山賊事覺愚民之無知者株連日衆有詔公與督撫內大臣會訊公察其枉者立釋之月餘公憂思勞瘁每夕廢食而嘆家人問之公曰此死獄也無法可生之耳道路聞公言多太息泣下云其他如學宮有牧馬之禁城守有需索之禁冬蒐有私販之禁凡所以病民者慮無不去蓋公不學而暗合於古未更而懸辨其事矢之以誠而守之以一民有陳牒者悉教之如子弟軍士之博奕好飲者必痛懲之而復告教之故德之入人也深而名之所被也遠一年輿人誦之又一年遠人復誦之公壽製萬民衣以獻至是又請建祠于西湖之北設公生位以長祝公而書公德政于碑以文屬余會公來朝京師 陛見之日 天顏有喜顧謂侍臣曰此有名將軍也賞賚有加其歸出內廐良馬以賜余既識公於都門及 予告歸里又親沐公化其可

以不文辭公諱諾羅布於

皇上為從子夫褒大臣述美政以彰

聖天子知人善任之德錄其鉅勿書

其細禮也爰拜手而為之記

郭公祠 在湖口一橋祀總督浙閩刑部尚書郭世隆時康熙三十四年適科臣以鹽法小票改為大引

歲可增課萬計貧民驚皇罷市公下車即奏仍其舊合省獲安又前撫鼓鑄錢奉行非法民多怨之公不俟疏奏即日封爐發帑收錢眾始帖然

汪公祠 在西湖孤山祀提督學政侍讀學士汪滄康熙五十六年杭郡紳士公建有公明第一歌其詞

曰兩浙學憲推公明前顏後彭開其英冰壺心映袖清風卓哉汪公大集成下車正值甲午歲賓與多士思雲程公來悉拔寒峻子哀然舉首胥吹笙歡歌四起達畿輔儼如祭已親主衡帝曰良哉克敷化展期三載重攀迎明堂 斲登大木幽谷又聽遷新鶯嘉禾纔沐時雨潤武林更快薰風生仁錢文童一招覆

喧呼感泣如雷轟不練不競布優政雍容力挽銀河
清猗歟猶有足多者肅肅兔置亦干城自來省會難
厭望辭彼春林羣向榮公惟一塵涅不染遂令泚莪
咸菁菁以此再造浙東西文治會見光貞珉我今作
歌歌公明用倡
十郡應同聲

褒忠祠

在瑪瑙寺左康熙五十六年建祀明監察御史
夏誠隨駕北狩殉土木之難者舊有像附揚清

祠有司以揚清非公妥神之所裔孫夏時登新建移
像專祠春秋崇祀如故事呈縣申府轉詳學使者翰
林汪批行錢塘縣知縣魏顏其額曰
褒忠吏部左侍郎湯右曾為之記

論曰余讀陳敬亭杭府舊志其載在簡冊者若社稷
山川之神皆國之典祀所以奠宗社而福民人易世
之所不遷者也其他祠廟自先聖而下為名宦為鄉

賢又有專祠且有一人而建數祠者計四十有八以
前令聶志考之才四十有三豈陳志所書通仁邑詳
之而吾錢邑相為錯壤無間彼此歟然陳志錄名宦
自漢迄明凡六十有九人其錄鄉賢亦自漢迄明凡
七十有三人何其少也而鄉賢外復有先賢祠曰旌
德觀者更起唐虞許由而下暨明凡四十八人成化
中又增鄉賢所祀二十三人而罷其舊祠所不當者
五人又何靳也敬亭又言宋南蹕時所建者悉記載
之其中瀆者不啻十二今不敢仍襲故牘又何嚴也

夫法施於民則祀之以死勤事則祀之以勞定國則祀之能禦大災扞大患則祀之非是族也不在祀典誠重之也今所在多淫祀祠宇稍徧湖山矣而鄉賢旌德兩祠較之史冊頗多濫入者余蒞任未久未暇博咨而詳察之雖仁孝所至志在表彰然苟不符國典而叨陪俎豆神而有知前哲令德之人不其吐之乎邦之縉紳士大夫尙襄余不逮毋貽譏後賢則幸甚矣

